

Broj: 06-02-163-I-4/2016 - 5
Datum, 02.09.2016. godine

Na osnovu člana 70. stav (1) i (3) Zakona o javnim nabavkama Bosne i Hercegovine („Službeni glasnik BiH“, broj: 39/14), a na prijedlog Komisije za javne nabavke imenovane Rješenjem broj: 06-02-163-I-7/2016 od 15.07.2016. godine, sekretar Vlade Federacije Bosne i Hercegovine d o n o s i:

ODLUKU

o izboru najpovoljnijeg ponuđača za javnu nabavku usluga održavanja i servisiranja službenih vozila za potrebe Generalnog sekretarijata Vlade Federacije Bosne i Hercegovine – LOT 1

Član 1.

U cilju odabira najpovoljnijeg ponuđača, u provedenom postupku javne nabavke: konkurentski zahtjev za dostavu ponuda za nabavku usluga održavanja i servisiranja službenih vozila za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-02-163-I-4/2016 - 1 od 29.07.2016. godine, broj obavještenja o nabavci sa portala javnih nabavki: 854-7-2-39-3-6/16, kao najbolje ocijenjena prihvatljiva ponuda za LOT 1, jeste ponuda ponuđača „**Autodelta**“ d.o.o. **Sarajevo - 4.227,16 KM bez PDV-a.**

Član 2.

Ponuđač iz člana 1. odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora (najniža cijena), ponudio je najnižu cijenu.

Član 3.

Prijedlog Okvirnog sporazuma dostaviti će se na potpis izabranom ponuđaču po isteku roka od 10 (deset) dana, računajući od dana kada svi ponuđači, koji su učestvovali u predmetnom postupku nabavke, budu obaviješteni o izboru najpovoljnijeg ponuđača.

Izabrani ponuđač dužan je dostaviti dokaze o kvalificiranosti u roku od 5 (pet) dana nakon što bude obavješten od strane ugovornog organa o rezultatima postupka nabavke, a prema tački 13.2. tenderske dokumentacije.

Član 4.

Za realizaciju ove odluke zadužuje se Sektor za pravne i opće poslove i Sektor za materijalno finansijske poslove.

Član 5.

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka javne nabavke, broj: 06-02-163-I-4/2016 od 14.07.2016. godine. Javna nabavka provedena je putem konkurentskog zahtjeva za dostavu ponuda. Procijenjena vrijednost nabavke iznosi 19.500,00 KM bez PDV-a. Obavijest o nabavci broj: 854-7-2-39-3-6/16 poslana je na objavu 29.07.2016. godine, te je istog dana objavljena na portalu Javnih nabavki.

Tendersku dokumentaciju preuzelo je 10 privrednih subjekata, od čega su 2 ponuđača blagovremeno dostavili ponude u predmetnom postupku nabavke za LOT 1 dok za LOT 2 nije zaprimljena ni jedna ponuda. U skladu sa provedenim predmetnim postupkom javne nabavke svoje ponude su dostavili sljedeći ponuđači: „Autodelta“ d.o.o. Sarajevo i AC „QUATTRO“ d.o.o. Sarajevo.

Komisija za javne nabavke, imenovana Rješenjem, broj: 06-02-163-I-7/2016 od 15.07.2016. godine, dostavila je sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-02-163-I-4/2016 - 4 od 01.09.2016. godine i Preporuku o izboru najpovoljnijeg ponuđača „Autodelta“ d.o.o. Sarajevo, sa registriranim sjedištem u ul. Bolnička do br.11, Sarajevo, ID broj: 4200381790006.

U postupku donošenja ove odluke, posebno su cijanjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom. Izabrani ponuđač odabran je primjenjujući kriterij „najniže cijene“.

Uzimajući u obzir naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu ugovornom organu – Generalnom sekretarijatu Vlade Federacije Bosne i Hercegovine, u pisanoj formi direktno ili preporučenom poštanskom pošiljkom, u roku od 5 (pet) dana od dana prijema ove Odluke.

Dostaviti:

1. Svim ponuđačima u postupku
2. U dokumentaciju Komisije
3. Sektor za pravne i opće poslove
4. Sektor za materijalno finansijske poslove
4. a/a



SEKRETAR VLADE

mr sc. Edita Kalajdžić